



11. juni 2013

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqqutit:

- 1. Naalakkersuisut tamanut saqqummiussisussaataitanermut inatsimmi malittarisassat unioqqutissimanerpaat Julie Rademacherip atorfinitsinneqarneranut atatillugu suliassap takussutissartaanik AG-p qinnuteqaataata suliarineqarneranut atatillugu?**
- 2. Naalakkersuisut qanoq iliorniarpat tusagassiutit suliassap takussutissartaanik qinnuteqaataasa siunissami sukkasuumik eqqortumillu suliarineqatalernissaat qulakkeerniarlugu?**

(Inatsisartunut ilaasortaq Jens B. Frederiksen, Demokraatit)

Tunnqavilersuut:

AG-mi ulloq 5. juni atuarneqarsinnaavoq, sapaatip akunneri pingasut ingerlareeraluartut tuavisaarisooqareeraluartorlu Rademacherip atorfinitsinneqarneranut atatillugu suliassap takussutissartaanik AG qinnuteqaataata tiguneqarsimaneraluunniit uppersarneqarsinnaasimangitsoq.

Suliassap takussutissartaanik qinnuteqarnermi malittarisassat paatsoorneqarsinnaanngillat: Oqartussaaffiup suliassap takussutissartaanik piniarluni qinnuteqaammik tigusaqartup, qinnuteqaat piaarnerpaamik isummerfigisussaavaa. Suliassap takussutissartaanik piniarluni qinnuteqaat akuerineqanngippat imaluunniit itigartinneqarpat tiguneraniik ullut qulit qaangiutsinnagit, taava suliassap takussutissartaanik piniartoq pissutaasoq pillugu ilisimatinneqartussaavoq aamma ilisimatinneqartussaavoq qaqugu aalajangiisoqarnissaa naatsorsuutigineqarsinnaanersoq.

Ernumanarpoq Naalakkersuisunut Siulittaasup pisorta qarfiata inatsit malissinnaanngippagu.

Ernumaneq minnerulinngilaq matumani pineqarmat suliassap takussutissartaanik piniarluni qinnuteqaat tusagassiutineersoq. Nunami maani demokratiskiusumik ingerlatseriaasitta ilaatigut ilagaa tusagassiutit ”pisorta qarfinnik nakkutilliisinnaanissaa” takuniarlugu suut tamarmik pissusissamittut ingerlanneqarnerisut. Oqartussaaffiit arlaat piaaraluni tusagassiutinut tunniussassanik paamaarussippat neriuutigalugu Naalakkersuisut oqaluttuaq iluarinngisaat nipangiutiinnarneqarumaartoq – taava oqartoqarsinnaavoq pissaanermik atornerluisoqartoq, tamannalu nunami demokratiskiusumi atorsinnaanngilaq. Taama pisoqassagaluarpat tamanut saqqummiussisussaataitanermut inatsit – demokratiskiusumik ingerlatsinermi qitiusut pingaarnerpaat ilaat – akorngusersorneqassaaq qaangiinnarneqarlunilu.

Ersarissumik oqarpunga ”taammattoqarsimagaluarpat”. Naluarpummi uani suliami taamatorpiaq pisoqarsimanersoq.



DEMOKRAATIT
DEMOKRATERNE

Naalakkersuisoqatigiit isumaqatigiissutaanni atuarneqarsinnaavoq, Naalakkersuisut kalaallit anersaavat malillugu suliniartut ammaneq aallaavigalugu. Aamma tamanna tunngavigalugu upperusuppara Naalakkersuisut suliassap takussutissartaanut tunngatillugu tamanut saqqummiussisussaataaermit inatsimmik malinnikkusuttut. Kisianni AG allappoq, suliame pineqartumi sapaatip akunnerini pingasuni akineqarsimanani. Kikkut tamarmik soqutigisariaqarpaat – aamma Naalakkersuisut – paasissallugu oqaatigineqartoq eqqornersoq aamma Naalakkersuisut qanoq iliorniarnersut pisoq peqqeqqunagu.

Apeqqutit akeqquneqarput tigusermiit ullut sulliviit nalignnaasut qulit qaangiutsinnagit